



Broj: 10-14-92-4/17
Zenica, 28.03.2017. godine

**Općinama na području Zeničko-dobojskog kantona
Resorna služba za društvene djelatnosti**

n/r šefa Službe

PREDMET: Konkurs za dodjelu studentskih stipendija, *dostavlja se*

Dostavljamo Vam tekst Konkursa za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona za akademsku 2016/2017. godinu, na Vaše dalje postupanje.

Obavještavamo Vas da je elektronska verzija tabele za bodovanje upućena na e-mail adresu grada/općine.

Molimo Vas da obratite pažnju na član 4. stav (5) (STUDENTI KOJI SE OBRAZUJU ZA DEFICITARNA ZANIMANJA) I ČLAN (5) (Novčana nagrada) koji se odnosi na studente koji studiraju za deficitarna zanimanja, deficitarna u članu 4. Stav Kriterija, a ujedno imaju prosječnu ocjenu najmanje 8,5 ili ekvivalent. Za ove studente, koji se nalaze u tabeli za bodovanje, potrebno je napraviti i dodatni spisak te ga dostaviti Ministarstvu sa ostalom dokumentacijom.

Za sve dodatne informacije možete se obratiti na broj telefona 032/460-839.


S poštovanjem,

U prilogu:

1. Zaključak o usvajanju Programa utroška sredstava na poziciji „Tekući transfer za stipendiranje studenata“ Budžeta Zeničko-dobojskog kantona za 2017. godinu sa Kriterijima za dodjelu stipendija,
2. Tabela bodova po osnovu uspjeha u srednjoj školi,
3. Ekvivalencija ocjena,
4. Tabela za bodovanje studenata-aplikanata koji su u konkurenciji za dodjelu studentskih stipendija.

DOSTAVLJENO:

- 1 x Naslovu,
- 2 x a/a (04).


MINISTAR
Mensur Sinanović



Broj: 10-14-92-2/17

Datum: 24.03.2017. godine

Na osnovu Zaključka o davanju saglasnosti na Program utroška sredstava na poziciji „Tekući transfer za stipendiranje studenata“ Budžeta Zeničko-dobojskog kantona za 2017. godinu, broj: 02-14-2623/17. od 23.02.2017. godine, Ministarstvo za obrazovanje, nauku, kulturu i sport Zeničko-dobojskog kantona r a s p i s u j e

K O N K U R S

za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona za akademsku 2016/2017. godinu

Pravo učešća na konkursu imaju kandidati koji ispunjavaju sljedeće uslove:

- a) da su državljani Bosne i Hercegovine;
- b) da imaju prebivalište na području Zeničko-dobojskog kantona;
- c) da su redovni studenti prvog ili drugog ciklusa studija na visokoškolskim ustanovama u Bosni i Hercegovini ili izvan Bosne i Hercegovine, bez obzira na način finansiranja studija (redovni koje finansira osnivač visokoškolske ustanove i redovni samofinansirajući);
- d) da su upisali ljetni semestar akademske 2016/2017. godine.

Pravo učešća na konkursu nemaju:

- a) studenti koji koriste usluge smještaja i ishrane u studentskim centrima;
- b) studenti koji primaju stipendiju od drugog stipenditora;
- c) studenti za koje je utvrđeno da su, protivno datoj izjavi u prethodnoj akademskoj godini, primili stipendiju od drugog stipenditora;
- d) studenti koji obnavljaju godinu studija;
- e) studenti u statusu apsolventa;
- f) studenti koji su u akademskoj 2015/2016. godini ostvarili pravo na stipendiju kao studenti prve godine studija, a u akademskoj 2016/2017. godini ponovo upisali prvu godinu studija na nekom drugom fakultetu.

Uz prijavu na konkurs potrebno je dostaviti sljedeću dokumentaciju:

- prijava prebivališta (ne starija od 6 mjeseci);
- uvjerenje da je kandidat prvi put upisao odgovarajuću godinu studija u statusu redovnog studenta (obavezan podatak o ciklusu studija i semestru);
- za studente prve godine prvog ciklusa studija svjedodžbe I - IV razreda srednje škole;
- za studente prve godine prvog ciklusa studija dokaz o izboru učenika generacije u srednjoj školi;
- za studente druge i viših godina prvog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući i ispite položene u akademskoj 2016/2017. godini;
- za studente drugog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući i ispite položene u akademskoj 2016/2017. godini (kao dokaz o položenim ispitima u prvom ciklusu studija moguće dostaviti dodatak diplomi, ukoliko postoji izvedena prosječna ocjena);
- izjava o zajedničkom domaćinstvu - kućna lista (ovjerena u šalter sali grada/općine, ne starija od 6 mjeseci);

- dokaz o statusu i primanjima za sve članove domaćinstva (za zaposlene uvjerenje pravnog lica o prosjeku posljednje tri mjesečne plaće; za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za 2016. godinu; za penzionere kopija posljednjeg čeka od penzije; za nezaposlene uvjerenje Službe za zapošljavanje; za nezaposlene koji nisu na evidenciji Službe za zapošljavanje kopija zdravstvene knjižice; za redovne učenike/studente uvjerenje o statusu; za članove domaćinstva mlađe od 6 godina, koji nisu školski obveznici, kopija izvoda iz matične knjige rođenih, bez dodatnog ovjeravanja i neovisno od datuma izdavanja dokumenta);

NAPOMENA: Kandidati čija ukupna mjesečna primanja porodice po članu domaćinstva prelaze 300 KM, što znači da ne ostvaruju bodove po osnovu materijalnog statusa, nemaju obavezu dostavljanja dokaza o statusu i primanjima za svakog člana domaćinstva, a smatraće se da je dokumentacija potpuna.

- dokaz o socijalnom statusu (studenti bez oba roditelja i studenti s invaliditetom);
- dokaz o pripadnosti romskoj nacionalnosti (ovjerenja izjava kandidata i potvrda registriranog romskog udruženja);
- ovjerenja izjava kandidata da ne prima stipendiju od drugog stipenditora.

Kandidati koji studiraju izvan Bosne i Hercegovine dužni su dostaviti uvjerenje koje izdaje visokoškolska ustanova prevedeno na jedan od službenih jezika BiH, kao i informaciju o sistemu ocjenjivanja, ukoliko se razlikuje od sistema ocjenjivanja u BiH.

Kriteriji za dodjelu stipendija bit će objavljeni na web adresi Zeničko-dobojskog kantona: www.zdk.ba

Bodovanje vrše komisije resornih gradskih/općinskih službi te objavljuju Preliminarnu i Konačnu preliminarnu listu kandidata koji su u konkurenciji za dodjelu stipendija. Kandidati za koje komisije osnovano utvrde da su dostavili netačne podatke neće biti uvršteni na Konačnu preliminarnu listu. Pravo na stipendiju ostvaruju kandidati koji su potvrđeni i na Konačnoj listi, a koju utvrđuje Ministarstvo za obrazovanje, nauku, kulturu i sport.

Nakon objavljivanja Konačne liste, korisnici stipendije dužni su dostaviti komisiji broj svog tekućeg računa i broj transakcijskog računa banke na koji će se izvršiti uplata sredstava.

Dokumenti koji se dostavljaju kao dokaz o ispunjavanju uslova moraju biti originali ili ovjerene kopije.

Konkurs ostaje otvoren 15 dana od dana objavljivanja.

Prijave na konkurs sa potrebnom dokumentacijom dostaviti na pisarnicu grada/općine gdje student ima prebivalište ili putem pošte na adresu grada/općine, sa naznakom „Prijava na konkurs za dodjelu stipendija Ministarstva za obrazovanje, nauku, kulturu i sport“.

Neblagovremene i nepotpune prijave neće biti razmatrane.

Dostavljena dokumentacija se ne vraća.

MINISTAR

 Mensur Sinanović

TAA
1307 04/17

Na osnovu člana 16. stav 4. Zakona o Vladi Zeničko-dobojskog kantona--Prečišćeni tekst („Službene novine Zeničko-dobojskog kantona“, broj:7/10), a u skladu sačlanovima 35. i 45.Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16),na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 88. sjednici, održanoj dana 23.02.2017. godine, donosi

ZAKLJUČAK

o usvajanju Programa utroška sredstava u razdjelu 22, budžetska organizacija 01, potrošačka jedinica 0001 - Ministarstvo za obrazovanje, nauku, kulturu i sport, ekonomski kod 614200, subanalitika MAD 202, pozicija „Tekući transfer za stipendiranje studenata“ Budžeta Zeničko-dobojskog kantona za 2017. godinu

I.

Usvaja se Program utroška sredstava utvrđenih u razdjelu 22, budžetska organizacija 01, potrošačka jedinica 0001- Ministarstvo za obrazovanje, nauku, kulturu i sport, ekonomski kod 614200, subanalitika MAD 202, pozicija „Tekući transfer za stipendiranje studenata“ Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), u iznosu od 900.000,00KM (slovima: devetstotina hiljada konvertibilnih maraka), a koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu s realizacijom ostvarenih javnih prihoda u Budžetu Kantona u predhodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija osim u izuzetnim slučajevima odobrenim posebnim aktima Vlade Kantona.

III.

Vlada Zeničko-dobojskog kantona će nakon okončanja konkursne procedure, u skladu s tačkom II. ovog zaključka, posebnim aktom utvrditi visinu pojedinačnog iznosa stipendije i broj rata za isplatu.

IV.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-14-2623 /17.
Datum, 23.02.2017. godine
Zenica

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x a/a.



PROGRAM
utroška sredstavau razdjelu 22, budžetska organizacija 01, potrošačka jedinica 0001 -
Ministarstvo za obrazovanje, nauku, kulturu i sport, ekonomski kod 614200,
subanalitika MAD 202, pozicija „Tekući transfer za stipendiranje studenata“
Budžeta Zeničko-dobojskog kantona za 2017. godinu

Član 1.

Svrha ovog programa je da se sredstva iz Budžeta Zeničko-dobojskog kantona za 2017. godinu, utvrđena u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 202, pozicija „Tekući transfer za stipendiranje studenata“, koriste za stipendiranje redovnih studenata prvog i drugog ciklusa studija s prebivalištem na području Zeničko-dobojskog kantona za akademsku 2016/2017. godinu.

Član 2.

Visina sredstava utvrđena ovim programom iznosi 900.000,00 KM (slovima: devetstotina hiljada konvertibilnih maraka).

Član 3.

Izvor finansiranja je Budžet Zeničko-dobojskog kantona za 2017. godinu, razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 202, pozicija „Tekući transfer za stipendiranje studenata“.

Član 4.

Kriteriji za dodjelu sredstava dati su u Prilogu 1. ovog programa.

Član 5.

Sredstva primaju pojedinci, redovni studenti prvog i drugog ciklusa studija u akademskoj 2016/2017. godini (redovni koje finansira osnivač visokoškolske ustanove i redovni samofinansirajući) s prebivalištem na području Zeničko-dobojskog kantona.

Član 6.

Distribucija sredstava vršit će se u iznosu kako je navedeno u Planu korištenja sredstava (tabela kao sastavni dio ovog programa) iz Budžeta Zeničko-dobojskog kantona za 2017. godinu, razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 202, pozicija „Tekući transfer za stipendiranje studenata“.

Član 7.

Za distribuciju odobrenih sredstava korisnicima zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 8.

Nadležne općinske službe dužne su dostaviti Ministarstvu za obrazovanje, nauku, kulturu i sport izvještaje o namjenskoj upotrebi odobrenih sredstava nakon isplate istih.

Član 9.

Izvještaj o namjenskoj upotrebi odobrenih sredstava Ministarstvo za obrazovanje, nauku, kulturu i sport jednom godišnje dostavlja Ministarstvu finansija i Vladi Zeničko-dobojskog kantona.

Plan korištenja sredstava

Korisnici stipendije – redovni studenti s prebivalištem na području općina:	Godišnji iznos sredstava (KM)	Napomena
Breza		Raspodjela sredstava po općinama vršit će se prema rezultatima Konkursa, na osnovu Konačne liste, izrađene u skladu s Kriterijima. Distribuciju sredstava vršit će resorne općinske službe putem tekućeg računa korisnika stipendije.
Doboj-Jug		
Kakanj		
Maglaj		
Olovo		
Tešanj		
Usora		
Vareš		
Visoko		
Zavidovići		
Zenica		
Žepče		
UKUPNO:		

Broj: 02-15-2623 /17.
 Datum, 23.02.2017. godine
 Zenica

DOSTAVLJENO:
 1 x Ministarstvo za obrazovanje, nauku, kulturu i sport,
 1 x Ministarstvo finansija,
 1 x a/a.

